



PORTA-VOZ
V GOVERNUNU
KONSTITUSIONÁL



KOMUNIKADU
BA MEDIA

Loron 10 fulan-janeiru tinan 2015
Dili, Timor-Leste

Heineken Asia Pasifik asina akordu formál Investimentu nian ho Governu Timor-Leste

Governu Timor-Leste asina ona iha loron 8, fulan janeiru, iha Ministériu Negósius Estranjeirus no Koperasaun, akordu formal ida kona-ba investimentu ho Heineken Asia Pacific. Heineken hakarak atu, iha tinan ida ne'e nia laran, hahú harí fabrika ida iha besik Dili, hodi fabrika bebida oin-oin, inklui serveja, refrijerante no bee. Projetu ne'e, ne'ebé prevee ona atu bele funsiona iha tinan rua mai, sei harí postu servisu diretu nian hamutuk 200 no postu servisu indiretu nian hamutuk 800.

Iha ninia deklarasaun sira ba komunikasaun social hafoin hala'o tiha Serimónia Asinatura, Administradór Ezekutivu Heineken Asia Pacific nian, Roland Pirmez koalia "Timor-Leste iha ambiente ida kapas tebes ba investimentu estranjeiru". Administradór Ezekutivu koalia kona-ba prosesu negosiasaun ne'ebé hala'o ona ho Governu no nia dehan-sai kona-ba insentivu fiskal no kontratu *leasing* ba durasaun naruk nian sira hanesan fator hirak pozitivu ba Heineken, nu'udar produtór da-tolu serveja nian ne'ebé boot liu iha mundo, atu hola desizaun kona-ba investimentu ida ne'e.

Vise-Primeiru-Ministru, Fernando La Sama de Araújo, koalia dehan projetu ida ne'e hatudu katak Timor-Leste oras ne'e hetan konfiansa hosi empreza internasionál boot sira. Vise-Primeiru-Ministru dehan katak "Planu Estratéjiku Dezenvolvimentu Timor-Leste nian ba 2011-2030 prevee ona katak sustentabilidade futuru nasaun nian depende ba setór privadu ida nia organizasaun ne'ebé tasak" no subliña katak Governu "sei fo prioridade ba hakiak ambiente negósiu no investimentu nian ida ne'ebé bele apoiu iha hamoris no haboot negósiu".

Sekretária Estadu ba Apoiu no Promosaun Setór Privadu, Veneranda Martins, fo-hatene katak iha loron 1, fulan janeiru tinan ida ne'e nian, Governu Timor-Leste estabesele ona Ajénsia Especializada Investimentu nian [www.inest-tl.com], liu-liu atu bele "sai hanesan katalizadór hodi dada investimentu sira, ne'ebé bele diversifika ekonomia no hamenus dependénsia ba petróleo".

Administradór Ezekutivu Heineken nian koalia "katak empreza sia fiar ba poténsia Timor-Leste nian" no nia hatudu entuziasmu atu sai nu'udar "parseiru ida ba prazu naruk." Investimentu ho osan dolar hamutuk millaun 40 hosi Heineken define tiha ona atu bele hetan rezultadu ida pozitivu liu hosi harí postu traballu sira, dezenvolve kompeténsia lokal sira, hamenus importasaun sira no diversifika ekonomia Timor-Leste nian. **FIN**



Ágio Pereira
+670 7723 0011
agio.pereira@cdm.gov.tl
govtlmedia@gmail.com
www.timor-leste.gov.tl